

經部

劉氏春秋傳卷一至

詳校官給事中臣戴 璐

給事中臣温常終覆勘

總校官編修臣王熊緒

校對官主事臣陳文福


腾録監生 限

增

欽定四庫全書 てんのうしんける! 春秋傳 提要 家藏弄皆為本相傳近時通志堂刻入經解 春秋權衡及意林宋時即有刊本此傳則諸 裁與版所者他書一 始有板本故論者或疑其偽然核其議論體 臣等謹案春秋傳十五卷宋劉敞撰敞所作 春秋傳 經部五 春秋類 陷合非後人所能廣

人 プロスラーモ 還為仁義以公孫寧儀行父為有存國之功 贬義例多取諸公年穀梁如以莊公園郎師 作也其書皆節録三傳事蹟斷以己意其褒 趙鞅入晋陽以叛 之謬皆不免於膠固其經文雜用三傳不主 以晋教先敦為疾過以九月用郊為用人而 好減损三傳字句往往改竄失真如左傳情 家每以經傳連書不復區畫頗病混淆又 一條尚沿三傳以地正國

いたらのヨーニノスカーの 為討贼則免而仍以孔子曰三字冠之殊為 始於敞則宋代改經之樂敞導其先宜其視 路 琴考黄伯思東觀餘論稱考正書武成實 也越竟乃免白後人本疑非孔子之言散改 不盡從傳亦不盡廢傳故所訓釋為遠勝於 敞站復沿啖趙之餘波幾於盡廢三傳歌則 多益北宋以來出新意解春秋者自孫復與 改傳為固然矣然論其大致則得經意者為 春秋傳



難入或 是推之作五代史新唐書凡例多問春秋於原父又曰 春秋傅原序 次定四事全書 折衷之經傳更相發明雖問有未然而淵源已正今學 原父為春秋知經而不廢傳亦不盡泥傳據義及例以 敢抗衡劉原父雖出其後以通經傳學自許文忠亦以 石林葉氏謂慶思問歐陽文忠公以文章擅天下世莫 者治經不精而蘇孫之學近而易明故皆信之而劉 誠以為用意太過出於穿鑿彼益不知經無 春秋傅

其然也石林所謂蘇孫益指子由幸老也晁公武謂劉 諸公之推伏原父者若此今觀權衛之作折衷三家旁 氏傳如桓無王季友卒胥命用郊之類皆古人所未言 傳十五卷集衆說而斷以己見文類公穀獨意林 引曲證以析經義真有權之無失輕重衡之得其平者 傳者傳則出於録本人或以為非真觀其文義與二書 名書也宋四明史有之刊權衡意林於清江其本猶有 元吳萊謂多遺缺疑未脫藁之書然究而論之皆經學

	 	 1		
S. D. D. B. Carry		合疑非廣縣故并刊之以傳示學者		
5		放并		
		刊之		
<b>事</b> 火		以傳		
		<b> 下學者</b>		
4				
		]. i		

	1	7	- :					全
					·			ゲ
				1.				金は、ロコトインテレー
	l	- 1						3
		1			14			=
		l				•		
	ľ	1			·			
		-						序
	Ī	1						
		ļ						
			,					
•				1			,	H
	.							

いこりをとう 何以不言即位成公意也何成乎公之意公欲讓國也 Charles of the Charles "我们们是他们的 火火 何言乎大受命王者受命於天 也正正也 君即位必以正始 而後言王王者法天也公 劉敞

屯 乎不正不正則其言成之何將以惡桓也曰能以國讓 即 侯稱爵大夫稱名殿者稱人何如則謂之附庸公侯百 是非賢乎三月公及邾儀父盟于喪儀父者何邾之君 公幼惠公愛之欲使為嗣而不可則以命隱公隱公即 里怕七十里子男五十里不及五十里附於諸侯曰附 公欲讓國奈何隱公之與桓公皆惠公子也隱公長桓 位弗忍背也終將致國乎桓曰吾為子攝矣然則正 何以名字也曷為稱字附庸也附庸則何以稱字諸 卷

載書而約也會者何約信命事而不殺也盟曷為或言 而盟亟會非禮也亟盟亦非禮也夏五月鄭伯克段于 會或言及及直及也會又會也古者六歲而會十二歲 CITED TO LATER 有徒眾非直殺一人者也段有徒衆奈何鄭武公夫人 鄢克之者何戡之也戡之者何殺之也 何以不言殺段 馬請於武公以為後不可武公死莊公立夫人請分國 曰姜氏生莊公寤生及太叔段段多材而好勇夫人爱 \* 火

庸公九命侯伯七命子男五命附庸四命盟者何殺牲

以不言弟段不弟故不弟也討賊者稱人以殺之此殺 人欲之無所辟段使西鄙北鄙貳於己公子吕曰國不 也故先王之制大都三國之一中都五國之一小都九 有罪其稱鄭伯何殺世子母弟自君甚之也曷為甚之 以封段段封於京繕甲治徒將以襲鄭夫人將間之國 國之一今京已侈侈必借借必亂若王制何莊公曰夫 鄭伯將封段祭仲諫曰無以為也都城遇百雉國之害 人不義莊公代諸京太叔出奔公退而殺諸耶然則何

金けでとといる

母之懷中而殺之云爾秋七月天王使宰喧來歸惠公 害公以政假人以小忍亂大謀坊乎段之亂鄭者莊公 にこつか とこう 仲子之賙宰者何氏也喧者名名也何以名上士也有 為之也 耶鄭地也其曰于耶何于耶遠矣猶曰取之其 不以私害公不以政假人不以小忍亂大謀莊公以私 可戴貳則失民不如損之莊公曰吾姑候其斃馬古者 公仲子者何惠公之母也母何以不稱夫人妾母也其 上士有中士有下士上士三命中士再命下士一命惠 多处了

國之君母者熟謂謂下士也冬十有二月祭伯來祭伯 盟大國之鄉可以會小國之君小國之鄉不可以會次 也九月及宋人盟于宿孰及之里者之盟不志及之者 **賙衣衾曰碰貝玉曰含貸財曰賻天王使宰喧來歸惠** 其母立廟使公子祭之於子祭於孫止脂者何車馬曰 言惠公仲子何母以子貴也母以子貴者何庶子君為 公也公則曷為不言公恥與宋人盟也曷為恥與宋人 公仲子之脂何以書譏何譏爾妾母而天子脂之非正

金文匹匠全

諸侯不外交外諸侯不內交有至尊在不貳之也公子 者何寰內諸侯也祭邑也伯爵也天子上大夫也何以 則卒之公子益師卒正也 益師卒傳曰公子曰公子公子之子曰公孫公孫之子 不稱使朝也朝則何為不言朝不與朝也曷為不與內 二年春公會式于潜戎者何戎之君也曷為不以其君 以王父字為氏公子之尊視大夫大夫三命然後氏死 稱之非周同盟也曷為非周同盟正朔不加禮樂不及

炎之四車全書---奉秋傳

朝聘不與東方曰夷南方曰蠻西方曰戎北方曰狄雖 大皆曰子有故也然後著其名爵外之也曷為外之王 極無駭者何吾大夫也何以不氏再命也諸侯大國三 者內京師而外諸夏內諸夏而外四裔公會戎于潜非 正也夏五月苔人入向入者何入其國也無駭帥師 御皆命于天子次國三卿二卿命於天子小國三卿一 曷為或言帥師或不言帥師將尊師衆稱某帥師將尊 卿命于天子大國之卿三命次國再命小國一命禮也

钦定四庫全書 春秋傅 或稱夫人女在其國稱女在塗稱婦入國稱夫人冬十 紀侯使逆女親之者也使大夫非禮也哀公問曰冕而 者何紀大夫也何以不稱使不與紀侯使也曷為不與 秋八月庚辰公及戎盟于唐九月紀裂繻來迎女裂繻 師少稱將將甲師泉稱師將甲師少稱人極者何國也 以為宗廟社稷主何謂已重乎女曷為或稱女或稱婦 親迎不已重乎孔子對曰合二姓之好以繼先聖之後 月伯姬歸于紀婦人謂嫁曰歸歸于諸侯則爵同尊同 ţ <u>.</u>

境外有可以尊國家利社稷則專之諸侯不專社稷十 矣大夫不憂諸侯此其為忠奈何昏烟之道也大夫在 也道與莒子言而平之莒子為是盟故若裂繑可謂忠 為褒之首人魯人相與有仇首子將伐魯裂編知其謀 字褒之也曷為褒之為其與莒子盟也與莒子盟則曷 則志紀子帛苔子盟于密子帛者何裂繻之字也何以 有二月乙卯夫人子氏薨夫人子氏者何隱公之母也 何以不書葬不以夫人葬也何為不以夫人葬公欲不

大三日三人二二 其曰夫人子氏薨何臣子辭也鄭人代衛 三年春王二月己巳日有食之何以書記異也何異爾 也非史之記失則日有食之不得其正也正者何日有 民事君易為或日或不日或言朔或不言朔史之記失 日有食之君避寢瞽奏鼓嗇夫馳庶人走以昭事神訓 得革也春秋之作也孔子曰其事則齊桓晉其文則史其 食之於朔正也不於朔失也失則春秋何以弗革弗可 春秋傅

終為君亦不以子氏為夫人也亦不以子氏為夫人則

義則丘竊取之矣三月庚戌天王崩何以不書葬天子 氏卒尹氏者何天子之大夫也其稱尹氏何貶曷為貶 記崩不記葬其義舉天下而葬一人不疑也諸侯記卒 子之大夫也其稱武氏子何幾何幾爾父卒子未命也 子曰崩諸侯曰薨大夫曰卒士曰 不禄夏四月辛卯尹 記葬有天子存不必得其時也曷為或言崩或言薨天 何以卒當主乎我也秋武氏子來求轉武氏子者何天 世卿也古者寰外諸侯嗣寰內諸侯禄外大夫不卒此

たこり、 とう 求之者非正也交議之八月庚辰宋公和卒冬十有二 禮也益通乎下歸死者曰贈歸生者曰轉歸之者正也 年武氏子來求轉何以書談何譏爾喪事無求求轉非 定位於初喪則其曰未君何百官總已以聽於冢宰三 之事曷為告則書常事不書非常則書盟會於春秋常 也於王者非常也殷人作會而民始畔周人作誓而民 月齊侯鄭伯盟于石門何以書盟會之事告則書盟會

春秋傳

何

以不稱使非王命也曷為非王命當喪未君也嗣子

葬卒自外録也葬自內録也不卒非外也不葬非內也 戊申衛州吁弑其君完州吁者何衛公子也何以不稱 葬者臣子之事也國滅不葬無臣子也君弒賊不討不 葬亦無臣子也 始疑癸未葬宋穆公諸侯曷為或卒或不卒或葬或不 宋公遇干清遇者何不期也宋公陳侯蔡人衛人伐鄭 四年春王二月莒人伐杞取牟婁牟婁者何杞之邑也 公子公子雖貴非三命不氏公子之重視大夫夏公及

或及言代會者聚辭也及者繼辭也九月衛人殺州吁 完無寵州吁者嬖人之子也勇而好兵莊公爱之石碏 秋暈帥師會宋公陳侯蔡人衛人伐鄭曷為或會言伐 諫曰古之爱子者教以義方弗納於邪驕奢淫決所自 也衛莊公娶于齊曰莊姜無子其媵曰戴娣生桓公完 于濮傳曰石備殺之石備殺之則其稱人何討賊之辭 那也四者之來寵禄過也夫寵而不驕驕而能降降而 次定日車人工 不憾憾而能已者寡與故不以賤妨貴不以少陵長不 春秋傳

立 陳人為之執州吁而請治于衛衛人殺之于濮冬十有 國編小老夫養矣無能為也州吁實就寡君敢即圖 得乎眾可以為君不知立晉之非已是以謂之不宜立 也其稱人何眾之所欲立也眾之所欲立則其日不宜 二月衛人立晉晉者何公子晉也立者何立者不宜立 小加大不以淫破義莊公弗聽莊公死桓公立州 桓公乃自立也於是州吁如陳石碏使告於陳曰 何衆知晉之可以立不知立君之非衆石碏知晉之 吁

الله الله العالم المالي 獸之內不登於俎皮華齒牙骨角毛羽不登於器則 度軌量謂之軌取材以章物采謂之物非此二者謂 以備器用則君不舉馬君者納民於軌物者也講事以 公將觀魚公子雅諫曰凡物不足以講大事其材不足 五年春公觀魚于紫何以書識何譏爾觀魚非事也隱 也 軍實昭文章明貴賤辨等列順少長習威儀而已矣鳥 亂政故春蒐夏苗秋稱冬狩出而治兵入而振旅以考 、火牛

也父卒而後為祖後者為祖母三年仲子不得祭於子 成宫而祭也仲子者何惠公之母也何以不言惠公仲 月葬衛桓公秋衛師入郎九月考仲子之宫考宫者何 之守君所不及馬隱公弗聽崇者何齊上之邑也夏四 而祭於孫亡乎禮者之禮而可以義起者也五年而後 廟使公子祭之於子祭於孫止隱孫也而祭仲子非正 子內外辭也考仲子之宫正乎不正乎庶子君為其母 不射也若夫山林川澤之實器用之資皂肆之事官司

之於仲子之宫也其言初何自是始僭也孰借借諸公 廟益天子命之初獻六羽六羽何六佾也獻之者何舞 魯公用六佾祭羣公用四佾初獻六羽以其可言言之 也天子八佾諸公六佾諸侯四佾魯祭周公用八佾祭 數於衆仲衆仲對曰天子八佾諸侯六佾大夫四士二 也其不可言諱也考仲子之宫將萬馬有司疑公問羽 俏之借自眾仲始也都人鄭人伐宋與何以書記災也 天舞所以節八音行八風也故自八以下魯人行之六

成為伐鄭故致成也抓壤之戰隱公獲馬然則何致致 六年春鄭人來輸平輸平者何輸平猶致成也易為致 材田也致材田矣何以不曰豎鄭平猶未得乎與鄭平 也曷為未得乎與鄭平鄭人以口請之矣而未入也其 平不見夏五月辛酉公會齊侯盟于艾秋七月此無事 曰來使人也其曰輸有挾也平不言來輸來輸未得平 冬十有二月辛已公子疆卒宋人伐鄭園長葛 平也然則何以不曰鄭人來輸初言平則初見言初則

金定四库全言

也 曷為不繫之鄭疾之也曷為疾之更年而取邑貿矣非 書滕侯卒諸侯卒曷為或名或不名或赴以名或不赴 七年春王三月叔姬歸于紀不言逆之者何也親逆之 秋編年四時具然後為年冬宋人取長葛此鄭長葛也 以名諸侯曷為或赴以名或不赴以名赴以名禮也不 也親逆之則曷為不言親逆之常事不書有非常然後 何以書春秋雖無事者時過則書首時過則何以書春 Call of Little 、以陕

中丘者何內之邑也何以書以重書也齊侯使其弟年 來聘其稱弟何母弟也母弟稱弟母兄稱兄諸侯之尊 聘之事存馬以慎終繼世是故諸侯不生名夏城中丘 赴以名非禮也天王崩赴以爵諸侯薨赴以名會盟朝 弟兄不得以屬通其弟云者凡以重書也何重乎齊侯 君而亂齊國是以君子重馬爾秋公代都冬天王使凡 之弟古者年四十而仕五十而爵天下無生而貴者齊 侯爱其弟未可爵而爵之亟交於諸侯卒之其子弑齊

金克匹产全事

之也其曰接乎我何諸侯有過於我者雖無事為必以 也其言代何大天子之使也執以小而代以大以一人 伯來聘我伐凡伯于楚丘以歸國而曰伐此凡伯之身 欠日の明したける 禮交之道也饒牽云乎易米云乎垂者何吾近邑也三 可言伐不可言執是亦大天子之使也 月鄭伯使宛來歸初庚寅我入初未有言我入者其曰 八年春宋公衛侯遇于垂何以書接乎我也我未有接 國大天子之使也為天子使尊矣而屈甲乎戎狄 春秋傅

我入初何初非我有也何言乎初非我有王者制諸侯 男卒秋七月庚午宋公齊侯衛侯盟于瓦屋八月葬祭 之地也有常鄭不得與諸人魯不得取諸人平者義也 與大夫盟沒公以其不沒公知其欲之也非公之輕南 為與乎言之微者而盟公欲之也何用見公欲之也公 宣公九月辛卯公及莒人盟于浮來莒人機者也公局 以利廢義君子恥之夏六月己亥蔡侯考父卒辛亥宿 入材者利也不正其以利為義夫茍以利為義者亦必

者常也聘者不常也三月癸酉大雨震電何以書記異 禮受於廟北面再拜稽首朝何以不書而聘何以書朝 時朝乎天子以致敬也天子時聘乎諸侯以致愛也聘 為字下大夫也天子之下大夫四命聘者何問也諸侯 九年春天王使南季來聘南者何氏也季者何字也何 面而下與大夫盟也與冬十有二月無駭卒 也何異爾不時也庚辰大雨雪何以書記異也何異爾 俶甚也挟卒挟者何吾大夫也曷為或卒或不卒正大

文三日五年三 春秋傳

夫也則卒之非正大夫也則不卒之公子暈如齊逆女 姓安子諸侯說子曷終為君矣隱公曰不可吾既許之 奈何隱公將致國乎桓公子暈諂乎隱公謂隱公曰百 亦正大夫也何以不卒貶曷為貶與弑公也其與弑公 嘗君矣君不反國也盍求之乎自是相與謀而弑隱公 馬公子暈恐其言若聞乎桓者於是謂桓曰吾已為子 反國馬吾立於此徒攝而已矣吾營菜裘之地而歸老 夏城郎秋七 月冬公會齊侯于防

十年春王二月公會齊侯鄭伯于中丘夏暈帥師會齊 人衛人入鄭宋人蔡人衛人伐戴鄭伯伐取之戴者何 不言戰皆陳曰戰詐戰曰敗辛未取部辛已取防秋宋 言取之曷為不言滅之而言取之附庸者不成國也滅 人鄭人伐宋六月壬成公敗宋師于菅曷為或言戰或 國曰滅取附庸曰取其言鄭伯代取之何甚之之辭也 附庸之國也何用知其附庸之國也以其不言滅之而 利人之暴乗人之危是以無親於天子冬十月壬午齊 古

不言紙不忍言也臣弑君凡在官者殺無赦子弑父凡 十有一年春滕侯薛侯來朝其言朝何王者之制諸侯 非天子不放見諸侯諸侯相旅見非禮也朝者考禮正 歲相問殷相聘世相朝其兼言之何幾何幾爾於見也 禮也夏公會鄭伯子時來秋七月壬午公及齊侯鄭伯 刑一徳以尊天子也不得有德而朝之雖不旅見亦非 入許冬十有一月壬辰公薨何以不地弑也弑則何以

金定匹庫全書

葬君就臣討賊猶親私子復雠也雠不復則不葬不葬 在宫者殺無赦以為人道所未有也人道所未有是以 事也其義未終故不敢以急葬也 則服不除寢苫枕戈所以明為臣子也葬者臣子之終 不忍言也何以不書葬賊未討也賊未討則何以不書

ここりを ここ

春秋傅

基

金坑四十八年 春秋傅卷一

ここうこここ 欽定四庫全書 如其意也三月公會鄭伯于垂鄭伯以壁假許田其言 假之何易之也易之則曷為謂之假為恭也曷為為恭 有天子存則諸侯不得專地也許田者何魯湯沐之邑 元年春王正月公即位繼弑君不言即位此其言即何 春秋傅卷二 桓公 春秋傅 宋 劉敞 撰

金安四年全書 也方伯時朝乎天子天子必賜之湯沐之邑於縣內視 未公及鄭伯盟于越秋大水何以書記災也冬十月 也其稱田何田多邑少稱田邑多田少稱邑夏四月丁 之者我也使其辭若自鄭出然是亦為之諱也此益邑 之自陕而西者召公主之許田之為魯自周公始馬易 元士魯非方伯也其謂之方伯何自陕而東者周公主 及者何累也弑君多矣舍此無累者乎曰有仇牧首息 二年春王正月戊申宋督弑其君與夷及其大夫孔父

渝奈何宋宣公舍與夷而讓穆公穆公將死召大司馬 皆累也舍仇牧前息無累者乎曰有有則此何以書賢 也何賢乎孔父孔父可謂處命不渝矣孔父之處命不 皆願奉馮也穆公曰不可先君以寡人為賢使主社稷 た己可言人はより 若弃德不讓是廢先君之舉矣豈曰能賢逐其太子馮 將何辭以對大夫其奉之以主社稷矣孔父復曰羣臣 以大夫之靈得保首領以沒于地先君若問與夷也其 孔父而屬之曰先君舍其子以命寡人寡人不敢忘茍 春秋傳

滕子來朝三月公會齊侯陳侯鄭伯于稷以成宋亂 孔父之智則眾孔父之忠則盡矣託六尺之孤寄百里 出居于鄭曰爾為吾子生母相見死母相哭穆公死傷 攻孔父之家殤公知孔父死已必死趣而救之皆死馬 公立殤公好戰十年而十二戰國人苦之督將弑殤公 不名孔父者所賢也則其名之何父前子名君前臣名 之命知必死而不避孔父可謂處命不渝矣春秋賢者 以納馮孔父生而存則殤公不可得而弑也故於是先

A STATE OF

卷二

**威私人之貼制人之上下謂之成亂則可謂之平亂** 何部所守之大鼎也武王克商封諸侯班宗奏以為 賂納于太廟非禮也臧哀怕諫曰君人者將昭德塞違 謂之部大鼎戊申納于太廟何以書幾何幾爾遂亂受 孫藏部以不義失之宋以不義得之雖久非其有也故 不可夏四月取部大鼎于宋此取之宋其謂之部大鼎 ここうこうここ 臨 摡 百官猶懼或失之故昭令徳以示子孫是以清 善 伙 尊

者何成之者平之也平之則曷為不言平之保人之

官於是戒懼而不敢易紀律今減德立違又取其路器 繆昭其數也火龍黼散昭其文也五色比象昭其物也 散廷帶 裳幅鳥衛統紅級昭其度也藻率輕將聲属游 廟茅屋大路越席大美不致染食不鑿昭其儉也衮冕 度登降有數文物以紀之聲明以發之以臨照百官百 錫鸞和鈴昭其聲也三辰旂旗昭其明也夫德儉而 秋七月紀候來朝蔡侯鄭伯會于鄧九月入杞公及戎 以納于太廟明示百官百官象之其可誅乎桓公弗聽 有

金定

匹库全世

卷:

禮也致何以禮不致何以非禮君行必告于廟反必真 盟于唐冬公至自唐曷為或致或不致致禮也不致非 服歸設真於祖廟然後臨諸臣桓内弑其君外成人之 未受命不敢服其服也已見天子賜之黻晃圭璧然後 三年春正月公會齊侯于嬴何以不書王桓無王也桓 而後入上下同之 Caloud Lill 何以無王桓不受命于王也諸侯喪畢以士服見天子 弱天子而不受命則固無王也不書王見不受命也 春秋侍

七月壬辰朔日有食之既既者何盡也公子暈如齊逆 命古者有方伯有州牧有卒正有連率命於天子正也 也夏齊侯衛侯胥命于蒲胥命者何相命也何言乎相 不下堂母不出祭門兄弟庶母不出闕門父命之曰戒 女九月齊侯送姜氏干誰何以書譏何譏爾送女者父 之後北州之侯也以事相命也六月公會杞侯于鄉秋 諸侯自相命非正也齊太公之後東州之侯也衛康叔 不受命雖久不得為諸侯君子賤之二年有王未畢喪

金字四片至言

卷二

違宫事庶母施鞶申之曰敬恭聽宗爾父母之言夙夜 皆登為有年 年來聘有年有年何以書以喜書也何喜乎有年六穀 自齊量何以不致公親受之于齊侯也冬齊侯使其弟 夫人未見廟猶未入國也公會齊侯于誰夫人姜氏至 母您視諸於聲送女越竟非禮也此入國矣何以不稱 之敬之夙夜母達命母施矜結於曰勉之敬之夙夜母 四年春正月公狩于郎狩者何田狩也春曰蒐夏曰苗

らくろしりょう とこう

春头專

教发舍辨號名車弊以獻衫秋教治兵辨旗物羅弊以 書四時曷為必田狩春教振旅辨鼓鐸火弊以獻社夏 獻初冬教大閱總軍實徒弊以獻為夏天王使宰渠伯 秋日彌冬日狩常事不書此何以書非其時書非其地 弗能討也而聘之是崇亂也參議之 伯斜何譏何譏爾桓内弑君外成人之亂又不受命王 渠伯者何爵也糾者何名也天子大夫不名其曰宰渠 糾來聘宰者何官也天子之宰也天子之宰通乎天下

金月四六十五十一

之弟伦殺陳世子免云爾闕也己丑陳侯鮑卒夏齊侯 五年春正月甲戌此無事何以無無聞馬爾或曰陳侯 子來聘仍叔之子者何猶曰仍叔之子云爾爵人以其 朝辭也尊不朝乎里大不朝乎小强不朝乎弱不正其 為詐以圖人之國使若誠朝然疾之也天王使仍叔之 侯鄭伯將襲紀以朝往馬紀人知之然後以朝反如者 ここり見とう 德也禄人以其能也天下之公也王者不以爱害公葬 如紀外相如不書此何以書疾之也曷為疾之齊 春火專

伐鄭何從王正也大零零者何早祭也其言大何大零 陳桓公城祝丘秋蔡人衛人陳人從王伐鄭其言從王 子祭天諸侯祭土諸侯祭天者唯王者後馬曷為或言 非諸侯之雩也曷為非諸侯之雩天子雩主上帝諸侯 量而天下大服成王嘉之以周公為有勲勞故賜之大 雩主星辰山川魯王禮也祀上帝魯何以王禮昔者武 祭祀天子禮樂以廣魯於天下然則禮與曰非禮也天 王崩成王幼周公相成王攝天子七年制禮作樂頒度

金好工是人工

書記災也冬州公如曹州公者何寒內諸侯也外相如 奪或言旱或旱而奪或旱而不奪旱而奪禮也旱而不 奔死不反公事無私敬交譏之夏四月公會紀侯于成 公來簡之也曷為簡之受命而如曹廢命而塗魯來者 六年春正月夏來夏來者孰謂謂州公也曷為不曰州 不書此何以書過我也過我則何以書接馬爾 零非禮也零而雨則言零零而不雨則不言雾螽何以 來朝也不言朝不與朝也大夫以君命出言不宿喪不

欠きりるこう

春秋傳

矣蔡人殺陳作稱人以殺何討賊之辭也此蔡人也其 傷大獸公之小獸私之冬事也秋興之非正也属農甚 赦置旌以為左右和車徒叙和表務獲禽不越遂不面 會器械三鼓而行三鼓而趨三鼓而走不用命者殺無 秋八月壬午大閱何以書譏何譏爾不時也大閱之禮 虞人萊野百步一表以旗致民選車徒命旗物辨鼓鐸 金ケレルへこう 天下諸侯有為無道孽亂宗賤害貴者義能討之則討 以討賊言之何與之也曷為與之上無天子下無方伯 P

华年掌具三日十士 員之吉者宿齊朝服寢門外詩員 END OF LIVE 之可也九月丁卯子同生子同生者何謂謂莊公也何 生而貴者誓於天子然後為世子冬紀侯來朝 之射人以桑孙蓬矢六射天地四方保受乃負之宰醴 同名世子生之禮也此世子也其不曰世子何天下無 之遂以名告于宗廟社稷山川大夫士之子不敢與世子 賀子賜以東帛卜士之妻大夫之妾使食之三月而名 以書贵也何贵爾世子也古者世子生告于君接以太 春秋博

七年春二月已亥焚咸丘焚咸丘者何以火田也以火 則 口當冬曰烝常事不書此何以書譏何譏爾譏亟也亟 真特言之何同時而特言之者特見之者也何以名 正則其曰焚咸丘何火田而咸丘焚也何以書譏何譏 曷為貶用夷禮也 爾焚咸丘疾矣夏穀伯綏來朝 黷黷則不敬疎則怠怠則忘君子之祭也敬而不黷 年春正月己卯烝烝者何冬祭也春曰祠夏曰 節侯吾離來朝此同時 礿 秋

からはくという

也天王使家父來聘夏五月丁丑烝秋伐都冬十月雨 雪何以書記異也何異爾不時也祭公來遂逆王后于 思而不怠此未有言烝者其謂之亟何以夏五月為亟 也坐而論道使三公以逆女非正也祭公逆王后于紀 使祭公也曷為不予天子之使祭公三公者父師之 則 紀祭公者何天子之三公也何以不言使不予天子之 姻之事必有嘉讓之辭馬太上無敵不可以質惟諸 曷為來由乎我使我主其禮也曷為使我主其禮昏

とこう・1 とこ

春秋傅

好王命之斯后矣自來者言之王雖有命未見宗廟則 也稱王后矣曷為末可以稱王后自往者言之王者無 九年春紀李姜歸于京師其言季姜何未可以稱王后 也此其為非禮奈何使我主之紀有成矣自是往送也 大也師者何衆也天子之居必以衆大之辭言之夏四 同姓者主之遂者何生事也大夫無遂事遂而非禮 月秋七月冬曹伯使其世子射姑來朝諸侯相見曰朝 不敢處也不敢處恭也京師者何天子之居也京者何

金好四月全書

之子内失正矣曹伯失正内失正世子可以己矣則是 諸侯之禮而來朝曹伯失正矣朝之禮以待人父待人 四歳一 此世子也其言朝何參議之曷為參議之世子子也仇 故命也尸子曰夫已乎多道 服侯服一歳一 これのこれが 十年春王正月桓無王其曰王何也存公也何謂存公 三朝之節也古者有侯服有甸服有男服有采服有衛 見衛服五歲一見魯采服也古者一不朝則 見甸服二歳一見男服三歳一見采服 春秋傳

其爵再不朝則削其地三不朝則六師移之桓非受命 弗不者正辭也弗者遷辭也君子之於言無所尚而已 之君也三不朝矣其曰王存公也庚申曹伯終生卒夏 矣冬十有二月丙午齊侯衛侯鄭伯來戰于即其言來 不及遇也公不及遇者何公後會也曷為或言不或言 五月葬曹桓公秋公會衛侯于桃丘弗遇弗遇者何公 言師敗續者敗在內也敗在內則何以不言恥也 何來戰者外為志乎戰也何以不言師敗績戰而

十有 皆微者乎非微者也微者之盟不志非微者則其稱 何大夫之交盟於中國自此始故貶之也盟會者君之 乎此盡貶之則不可勝貶故於其始一貶馬其餘從 者伯討也稱人以執者非伯討也宋人執鄭祭仲其為 同 人執鄭祭仲曷為或稱人以執或稱侯以執稱侯以 也非臣之禮也大夫之交盟於中國衆矣何為獨 夏五月癸未鄭伯寤生卒秋七月葬鄭莊公九月宋 年春正月齊人衛人鄭人盟于惡曹此大國也 同

欠足日車AL'

春秋博

處則不能守出則不能權貪生而好勢廢正以立亂曰 出忽而立突突歸于鄭此鄭突也曷為不繫之鄭貶曷 非伯討奈何鄭莊公娶于鄧生太子曰忽又娶于宋生 為貶鄭非突之所可號歸非突之所可名歸非突之所 祭仲而執之曰為我出忽而立突不然則死祭仲許之 庶子曰突祭仲者鄭之相也莊公死太子即位宋公誘 可名則其曰突歸于鄭何病祭仲也祭仲之為人臣也

突歸于鄭者見突之擊乎祭仲者也歸者順辭也有易

奔衛此鄭子也何以名貶曷為貶忽不子也忽不子者 逆而書入難也突之易見祭仲之擊也交惡之鄭忽出 會宋公于闞 折柔者何内大夫也公會宋公于夫鐘冬十有二月公 世亂鄭者忽失為子之道也柔會宋公陳侯蔡叔盟于 辭馬非所順而書歸易也入者逆辭也有難辭馬非所 十有二年春正月夏六月壬寅公會杞侯莒子盟于曲 何遠君子近小人不能與賢者圖事權臣擅命放乎五

えきりこ とう

春秋傅

金ケロアとき 戰而勝則言公言敗戰而不勝則不言公不言敗戰而 其文則史其義則丘竊取之矣十有二月及鄭師代宋 曷為再曰春秋故史也有所不革子曰其事則齊桓晉文 會宗公于龜丙成公會鄭伯盟于武父丙戌衛侯晉卒 也八月壬辰陳侯躍卒公會宋公于虚冬十有一月公 敵則言公而不言敗此戰也其言伐何辟嫌也惡乎嫌 池秋七月丁亥公會宋公燕人盟于穀丘傳曰燕南燕 丁未戰于宋孰及之公也戰者曷為或言公或不言公 卷二

嫌與鄭人戰也 益自是國非其國也齊師宋師衛師燕師敗續三月雄 侯熊人戰何以不地地國也熊人者熊師也其稱人 ここうら シャラ 親夏大水秋七月冬十月 衛宣公葬自內録也君子怨不弃義怒不廢禮惡不忘 **貶曷為貶燕非會盟之侯也賣信而怙怨是亂而已矣** 十有四年春正月公會鄭伯于曹無冰何以書記異也 有三年春二月公會紀侯鄭伯已已及齊侯宋公衛 春秋.傅

盛王后親蠶北郊夫人親蠶西郊以共祭服國非無良 農工女也以為以人之所盡事其祖禰不若以已所自 委積之所藏也天子親耕千畝諸侯親耕百畝以共菜 以傳信疑以傳疑秋八月壬申御廩災御廩者何粢盛 夏五鄭伯使其弟語來盟夏五 何以不益疑也春秋信 之體次之宜次之稱次之冬十有二月丁已齊侯禄父 之云爾乙亥嘗何以書譏何識爾不時也時為大順次 親者也災者火也其謂之災何也猶曰天戒之思神害

金定匹正在

卷二

貴則行乎賤大則行乎小衆則行乎寡此皆微者也其 言以何宋公也宋公則其稱人何貶曷為貶君之代國 卒宋人以齊人蔡人衛人陳人伐鄭以者何行其意也 者不斬祀不殺厲不埋井正之而已矣宋公代鄭殘其 有之鄭祖属王而非禮之正也 暴而已矣大宫者何属王之宫也属王之宫鄭惡乎得 次三日草二百 春秋傳 郊牧焚其城郭隳其大宫取其椽以歸為盧門之椽是 十有五年春二月天王使家父來求車何以書談何 10

没其稱世子何君沒而稱世子者正疑乎不正君子與 也鄭世子忽復歸于鄭君存稱世子君薨稱子某君旣 見有君也忽未父則其曰有君何忽雖未入國固其國 爾王者無求求車非禮也三月乙未天王崩夏四月己 復大夫歸不可言復諸侯何以可言復大夫何以不可 歸復歸有二道有諸侯之歸有大夫之歸諸侯歸可言 之繼世馬世子猶世世子也曷為或言復歸或不言復 已葬齊僖公五月鄭伯突出奔蔡突何以名奔而名者

不可也諸侯位雖未絕歸而不言復已絕者也大夫位 言復諸侯世國故可以復大夫不世官故不可以復**諸** 許叔入于許許叔者何許公子也何以字賢也何賢爾 雖已絕入而不言復未絕者也忽之為可復奈何正也 候之言復者位未絕復可也大夫之言復者位絕矣復 Call Market 來朝此皆君也其稱人何貶曷為貶諸侯於見天子之 之迫其亂而後能入也公會齊侯子艾都人年人為人 宜為君也且為君則其稱入何難也 何難馬爾鄭幾減 春秋餺

鄭 納諸侯失國諸侯納之正也有其實者居其名無其實 會宋公衛侯陳侯蔡侯伐鄭傅曰伐鄭以納突也代鄭 伯突入于樂冬十有一月公會宋公衛侯陳侯于哀代 禮也葢以為死天子而叛京師乃可以至馬秋九月鄭 者不得居其名有其名者享其功無其名者不得享其 十有六年春正月公會宋公蔡侯衛侯于曹夏四月公 以納突則何以不曰納鄭伯于鄭不與納也曷為不與

金字四屋一一

告之使行曰不可弃父之命惡用子矣有無父之國 構仍於公公使仮之齊而使盗待諸華且殺之壽知而 子點牟也公子點牟曷為者也衛宣公之太子曰极娶 也 于齊而美宣公取之生壽及朔馬朔惡仮之為太子也 可也毒於是載其旌以先盜殺毒旣而伋至曰我之求 納突非正也秋七月公至自伐鄭冬城向十有一 侯朔出奔齊朔何以名奔而名者見有君也孰君公 何罪請殺我乎又殺之宣公死朔即位國人怨朔 春秋傅

金少四座台 十有七年春正月丙辰公會齊侯紀侯盟于黄二月丙 午公會都儀父盟于進夏五月丙午及齊師戰于奚六 權若李者道足以與權而不亂力足以得國而不居遠 何蔡侯之弟也何以稱字賢也何賢爾其去也以道其 月丁母蔡侯封人卒秋八月蔡李自陳歸于蔡蔡李者 之殺二公子故於是逐朔而立黔年 反也以禮公子不去國何賢乎季之去權也權者反於 而後有善馬行權有道自貶損以行權不害人以行 ,

葬祭桓侯葬者稱公此其稱爵何稱爵禮也稱公非禮 而不攜題而不偏者也其言自陳何陳有力馬爾癸已 也 子崩謀於郊諸侯薨謀於王大夫卒謀於君生無爵者 也 死無諡生有爵者死有諡孔子曰諸侯相誄非禮也及 宋人衛人伐都冬十月朔日有食之 十有八年春王正月公會齊侯于潔公夫人姜氏遂如 ここつき たこう 稱爵何以禮稱公何以非禮稱爵者誄之于天子者 稱公者非誄之于天子者也賤不誄貴幼不誄長天 春火傳

多少ところうと 君無盡言而慢行以戲君使君失親戚之禮命又力成 振疑百姓寓馬智者究理而長慮身得免馬彭生貳於 彭生乘公将而殺之豎曼曰彭生其免乎賢者死忠以 諫曰不可臣聞女有家男有室無相瀆也謂之有禮易 自禍之道也桓公旣會齊侯于樂遂與夫人如齊申偷 齊何以不言及夫人仇也猶曰匹夫匹婦之相與云爾 此必敗君其舍夫人乎桓公弗聽夫人果通於齊侯桓 公知之謫而疏之齊侯怒為是饗公旣饗而出使公子

其禍以構二國之怨禍理屬馬夏四月丙子公薨于齊 而不反無所歸各惡於諸侯請得彭生除之齊人殺彭 也告於齊曰寡君畏君之威不敢寧居來修舊好禮成 之何桓公薨於車魯人知彭生之為而莫知夫人之為 桓公賊未討何以書葬討之矣未有言討之者其曰討 丁酉公之喪至自齊秋七月冬十有二月已丑葬我君 生葬桓公桓公旣葬三月魯人徐知夫人之為也夫人

ここりあたこう

春处傅

金牙巴屋人下 春秋傅卷二

欽定四庫全書 春秋傅卷三

撰

兼公

位君弑則子何以不言即位投受之道也先君不以其 一終則子不思即位馬先君不以其道終而子即位是

無恩於先君也三月夫人孫于齊孫者何奔也內諱奔 てこうる とこう

元年春王正月公何以不言即位春秋君弑子不言即

也曷為不與使躬君弒於齊而使之主昏姻非禮也君 執人國者謂之孤曷為字之貴也何以不稱使不與使 謂謂附庸之君也附庸之君則曷為謂之孤附庸之君 以言受命不者於道者天絕之也不若於言者人絕之 謂之孫夫人何以不稱姜氏絕之也絕之奈何夫人與 也臣子大受命夏軍伯逆王姬軍伯者何孤也孤者曷 於弑者不可以入宗廟人之於天也以道受命於人也 子以其可辭而弗受也其弗辭而受以是為非禮也秋

金安里里

築王姬之館于外何以書譏何譏爾築王姬之館于外 成為君桓內弑其兄外不朝王終身不受非諸侯也故 唇烟也衰麻之服非所以接 角見如醉而已矣禁王 同姓者主之主嫁女者必自其廟仇雠之人非所以接 侯必使諸侯同姓者主之諸侯嫁女乎大夫必使大夫 非禮也築王姬之館于外則何以非禮天子嫁女乎諸 來錫桓公命錫命者何命為諸侯也諸侯非受命則不 姬之館于外非禮也冬十月乙亥陳侯林卒王使榮叔 てこうえ とこ 二头專

**莊公為之大功姊妹之服也冬十有二月夫人姜氏會** 正王無天君子見法馬王姬歸于齊不言逆之何親逆 桓與王生不能討死追命之非王義也故王無天桓無 於餘丘者何國也秋七月齊王姬卒外夫人不卒此何 後書齊師還紀部部部那部者何紀之邑也 之也親逆之則何為不言親逆之常事不書有非常然 二年春王二月葬陳莊公夏公子慶父帥師伐於餘丘 以卒喪之也曷為喪之我主之故喪之齊告王姬之喪

金安四屋合電

從子夫人姜氏會齊侯于禚非禮也以公為不能防問 齊侯于禚何以書譏何譏爾婦人無外事送迎不出門 葬桓王崩久矣曷為於此而葬慢也慢者何天子七月 其母失子之道馬參識之乙酉宋公馬卒 見兄弟不過國婦人不事行未嫁從父既嫁從夫夫死 三年春王正月溺會齊師伐衛夏四月葬宋莊公五月

炎王四事全事 一春秋傳

位至士剛月而葬外烟至王崩曷為或言葬或不言葬

而葬同軌至諸侯五月而葬同盟至大夫三月而葬同

常言之益以為子事親臣事君之道馬秋紀季以鄰入 葬自内録者也公親會之則不言葬不言葬者常也公 予之也何用見其予之也其字而不名入而不畔是予 紀紀侯以道事之則不得免馬因不忍關其民也逡巡 都為附庸于齊也紀季曷為以都為附庸于齊齊將減 于齊紀李者何紀侯之弟也何以不曰紀侯之弟言以 不親會則言葬言葬者非常也葬天王大禮也曷為以 有去志紀李用是以鄰入于齊復五廟馬然則子之乎

次者何止也曷為或以事書或不以事書以事書者止 志以事餓是非季之心也以宗國為寄矣冬公次于滑 之也子之則其言入何難也何難馬爾析地以去國降 **货定四車全書** 之以事者也不以事書者止之不以事者也君舉於政 相見去其國而享諸侯非禮也為之名而已矣三月紀 四年春王二月夫人姜氏享齊侯于祝丘享者何兩君 師舉於義止不以事者亂之道也 之禮也兩君相見享于廟中夫人與在馬禮也非兩 春秋博

乎滅而去也已滅而失是逃也非大正之道也六月已 過馬然則紀滅乎紀滅矣滅則其不言滅何以其未至 使紀侯有奔之名也曷為不使紀侯有奔之名紀侯者 其國者何出奔不復出奔不復則其曰大去其國何不 仁人也不以其所用養人者害人以為雖太王之道不 伯姬卒夏齊侯陳侯鄭伯遇于垂紀侯大去其國大去 何以齊侯之葬之著馬也齊侯滅紀則曷為葬其夫人 **丑齊侯葬紀伯姬滅國不葬紀已滅矣其言葬紀伯姬** 

為說也葬臣子之事也斥言齊侯而葬伯姬甚賤之也 人でりうこうす 之去南面而下與微者狩也 之微者也此齊之微者其言公及之何幾何幾爾非公 求媚說者也秋七月冬公及齊人狩于禚齊人者何齊 然則其為說奈何曰逐人之君而取其國為非所為以 國謂之小都母來者何其名也何以名貶易為貶用夷 五年春王正月夏夫人姜氏如齊師秋即雄來來朝那 何小都也小郑則曷為謂之郎未成國謂之郎旣成 Ų 春秋傳

也任之重則曷為貴之諸侯亂命納衛侯朔君子曰子 者何字也曷為字貴之也曷為貴之以其任之重貴之 六年春王正月王人子突救衛王人者何微者也子突 得享其功納朔非正也納朔何以非正天子命點年矣 無其實者不得居其名有其名者享其功無其名者不 為不與納諸侯失國諸侯納之正也有其實者居其名 朔也代衛以納朔則曷為不言納衛候朔不與納也曷 禮也冬公會齊人宋人陳人蔡人代衛傳曰代衛以約

突見正馬夏六月衛侯朔入于衛何以名絕曷為絕殺 者何衛之寶也古者分同姓以寶玉展親分異姓以遠 復復而言復者其可復者也復而不言復者道能復之 世子仮篡公子黔年入者何逆辭也此復也何以不曰 于我也 方之職貢使無忘服此衛之實則齊人曷為來歸之齊 不可復者也秋公至自伐衛與冬齊人來歸衛寶衛寶 八里司車八百 不義取之衛以不義失之公之納朔也力故齊人 春秋傅

七年春夫人姜氏會齊侯于防夏四月辛卯夜恒星不 敗也何以書記災也冬夫人姜氏會齊侯于穀 水無麥苗曷為先言麥而後言苗麥苗同時麥成而先 上下者謂之隕自下上者謂之雨何以書記異也秋大 非雨也非雨則曷為謂之如雨言眾多不可為數也自 見夜中星隕如雨恒星者何列星也如雨者何如雨者 何待馬陳蔡將遇我而徽之也何以書譏何譏爾大國 八年春王正月師次于郎以侯陳人蔡人侯者何待也

金牙巴及合言

有攻伐之師小國有城守之兵不逆詐不億不信過而 曰振旅常事不書此何以書譏何譏爾春而治兵不時 徽之非義也甲午治兵治兵者何習戰也出曰治兵入 邮降于齊師降者何降之者何降者未失其國家者也 者不復見猶遷也秋師還未有言師還者此其曰師還 降之者失其國家者也未失其國家者復見失其國家 不言公國中則不言公夏師及齊師圍鄉鄉者何國也 也治兵以俟陳蔡也何以不言地國中則不言地何以

このの これは

**私火**專

**邮降于齊師公子慶父怒請代齊師莊公曰不可我實** 僖公爱之為其衣服禮秩皆如適及裹公組無知無知 黎民懷之修徳而已矣令之還師故君子以其克已為 仁不伐為義冬十有一月癸未齊無知弑其君諸兒 不德齊師何罪罪我之由夏書曰皋陶邁種德德乃降 人以殺之何討賊之辭也齊僖公之弟年生公孫無知 九年春齊人殺無知傳曰雅廩殺之雅廪殺之則其稱 何還者善辭也選者事已畢也何善馬師及齊師圍即

金は、巴及人二十一 巻三

夫公之納子糾其所納也若曰為齊大夫則可以納也 裹公好田自貝丘而歸賊從之入 于公宫而弑之無知 期成公問不至請代弗許二人者大怒因無知以作亂 怒襄公使連稱管至父戌葵丘瓜時而往曰及瓜而代 自立國人莫順雅廩殺無知公及齊大夫盟于旣其言 夏公伐齊納糾此子糾也何以不曰子諱也曷為諱襄 及齊大夫何盟納子糾也盟納子糾則何以不名其大 公之子也父母之仇弗與共天下記弟之仇弗與共國

文ED - A -

春秋傳

其言入何逆辭也糾貴而小白賤也秋七月丁酉葬齊 秦子梁子以公旗辟于下道益僅然後免爾師敗取也 此其言敗何公供獲也戰而大敗公喪戎路傅乗而歸 襄公八月庚申及齊師戰于乾時我師敗續內不言敗 孔子曰何以報德以直報怨以德報德齊小白入于齊 糾宜也公納之不宜也或問于孔子曰以德報怨何如 君之仇視父母師弟之仇視昆弟然則其言納何納 供獲辱也恥可言辱不可言也九月齊人取子糾殺之 たとう

魯曰子糾親也請君討之管仲召忽離也請以戮于齊 也內私人之國而奪馬外敗人之師而脅馬是取其子 魯人殺子糾此魯人殺也則其曰齊人取之何甚齊侯 **大三日夏 在市** 曷為深之畏齊也 糾戮之而已矣冬沒涤沫者何水也沒之者何深之也 言侵或言伐無鐘鼓曰侵有鐘鼓曰伐侵淺事也代精 年春王正月公敗齊師于長勺二月公侵宋曷為或 春火專

其謂之子斜何貴也何貴馬宜為君者也齊人以兵加

敗宋師于乗丘此次也其言敗何譏之也何謂譏之齊 不復見者也宿者何國也夏六月齊師宋師次于郎公 之者非其欲也遷者其國家復見者也遷之者其國家 事也三月宋人遷宿遷者何遷之者何遷者其欲也遷 而犯之大敗宋師次者不以義勝者不以道交譏之九 師宋師次于郎未知其代我與代人與公子偃曰宋師 月荆敗蔡師于幸以蔡侯獻舞歸荆者何楚也楚則曷 不整擊之勝無幸馬莊公從之自雩門出家馬以虎皮

金牙口足台門

徳也荆楚無君無大夫則外之而已矣吳楚齊越以國 Manda . here 猶有恥馬虜賤甚矣冬十月齊師滅譚譚子奔莒何以 何以名絕曷為絕去位而虜也死社稷正也逃之罪也 王者則先叛其禮與其號不可以通乎天下蔡侯獻舞 稱君以人稱大夫略之也曷為略之有王者則後至無 曰荆子何也外之也其外之者何中國有君有大夫盛 為謂之荆荆者其自名者也楚者中國名之者也其不 不言出國已滅矣無所出也 春秋傅

大水此宋大水也何以書弔馬爾主人告災不告異諸 實不敬天降之災又以為君憂拜命之辱臧文仲說是 侯吊災不吊異告異則書之吊災則書之宋大水公使 言也曰禹湯罪已其與也勃馬桀紂罪人其亡也忽焉 **吊馬曰天作淫雨害于粢盛若之何不吊主人對曰孤** 姬歸于齊何以書我主之也我主之則曷為不言我主 國有凶而稱孤者禮也言懼而名禮宋其庶乎冬王

金グロドノクラ

年春王正月夏五月戊寅公敗宋師于郡秋宋

卷三

歸于鄰何順紀季也何順乎紀季言季之以鄭入于齊 後紀而已矣夏四月秋八月甲午宋萬弑其君捷及其 十有二年春王三月紀叔姬歸于都此紀叔姬也其言 ていしつい たい方 孔父尚息皆累也舍孔父尚息無累者乎曰有有則此 大夫仇牧及者何累也弑君多矣舍此無累者乎曰有 之不畏彊禦奈何萬嘗與莊公戰獲乎莊公莊公歸 何以書賢也何賢乎仇牧仇牧可謂不畏殭禦矣仇牧 春头傅

之常事不書必非常然後書

婦人皆在側萬曰甚矣魯侯之淑魯侯之美也天下諸 月宋萬出奔陳 忘其力憂其憂而忘其生仇牧可謂不畏殭禦矣冬十 牧碎其首仇牧之智則未仇牧之忠則盡矣疾其疾而 仇牧聞君弑趙而至遇之于門手劍而叱之萬臂撥 虜也爾虜馬故魯侯之美惡乎至 萬怒搏関公絕其脏 侯宜為君者唯魯侯爾閔公矜此婦人好其言顧曰此 舍諸宫中數月然後歸之歸反為大夫於宋與閔公博 仇

多方匹こんらいと

卷三

禮也非臣之禮也大夫之交政於中國眾矣曷為獨貶 何大夫之交政於中國自此始故貶之也盟會者君之 國也皆微者乎非微者也微者之會不志然則其稱 十有三年春齊人宋人陳人蔡人邾人會于北杏此大 乎此盡貶之則不可勝貶故於其始一貶馬其餘從同 十有四年春齊人陳人曹人代宋 夏單伯會代宋其言 同夏六月齊人滅遂秋七月冬公會齊侯盟于柯 ייתום וושר לוויום 會伐宋何往會之也秋七月荆入蔡冬軍伯會齊侯宋 春秋傳

者也諸侯無專征有伯者在馬伯者之先諸侯專征也 姜氏如齊秋宋人齊人邾人伐郑宋其序齊上何主兵 十有五年春齊侯宋公陳侯衛侯鄭伯會于鄄夏夫人 冬十有二月會齊侯宋公陳侯衛侯鄭伯許男曹伯滑 為伯者桓猶未成乎伯也鄭人侵宋冬十月 公衛侯鄭伯于鄄 十有六年春王正月夏宋人齊人衛人伐鄭秋荆伐鄭 伯者而先諸侯主兵也譏也此齊桓之師何以不得

伯滕子同盟于幽同盟者何殷同之盟也古者諸侯之 主下璧南方璋西方琥北方瑣東方圭上介皆奉其君 色東方青南方赤西方白北方黑上玄下黄設六王上 于天子春見日朝夏見曰宗秋見日覲冬見日遇時見 之旂置于宫尚左公侯伯子男皆就其旂而立四傅擯 二尋深四尺加方明于其上方明者木也方四尺設六 日會殷見曰同同盟之禮為宫方三百步四門壇十有

んでうらんち

天子乗龍載大旂象日月升龍降龍出拜日於東門之 春秋傅

始伯也然則熟會之公也公則曷為不言公疑之也曷 儀父也其謂之邾子克何未成國曰邾儀父旣成國曰 是以設之辭也孝子忠臣之義見馬爾邦子克卒此都 為疑之齊魯之仇也不可以共天下從之則忘親弗從 以顯昭明同盟之禮也古者六歲而會十二歲而盟桓 則忘君君子為其不得已馬雖勿忘其君亦勿忘其親 非受命之怕也假同盟之禮率諸侯以尊天子益自是 外反祀方明諸侯旣皆聽命因相與盟于下方伯臨之 たかりまったいす 郑子克未成國之君卒不書葬不記也 春秋傳

春秋傳卷三			47. 12. 12. 12. 12. 12. 12. 12. 12. 12. 12
			* =

欽定匹庫

經部

劉氏春秋傅卷四至

給事中臣温常經覆勘 詳校官給事中臣戴 璐

校對官主事臣東文福 總校官編修 王燕緒 腾绿監生 陳 增

C 10 101 111 遂強者何盡也何言乎齊人盡于遂齊侯 自動物的學科學的 春秋傅 所為使及非行人者也 者何鄭大夫也執者曷 人者執之以其所為使 劉敞 撰

成者酒而殺之此遂人盡齊人也其曰齊人強于遂何 十有八年春王三月日有食之夏公追戎于濟西此未 弗與也虛人之國殺人之君私人之土制人之衆疆不 滅遂使兵戍之遂之餘民因氏領氏工妻氏須遂氏飲 義之至也力多矣非有能盡齊者也齊自盡也秋鄭詹 記異也何異爾為災也 以為不義死道云乎君子不曰幸而免冬多麋何以書 自齊逃來何以書談何識爾識逃也以為義死制云乎

金片匹尾在香

有言代我者其追何迹之也迹之則曷為不言其來不 十有九年春王正月夏四月秋公子結勝陳人之婦于 發見之以至云爾為該也其言于濟西何不及也不及! 言其來者唯欲迹之也曰開之以虚示之以利後之以 以書記異也何異爾非中國之獸也冬十月 則曷為不言其不及戎已遠矣為該之過也秋有萬何 CANDIDE ALLE 大無遂事遂而權國義也其權國奈何齊侯宋公之在 野遂及齊侯宋公盟勝者何送女也遂者何生事也大 春秋傅

義為可以權夫人姜氏如莒冬齊人宋人陳人代我西 二十年春王二月夫人姜氏如苔夏齊大災災則其言 之非我之咎也 鄙此伐我也其如鄙何代我而言鄙者遠之也曷為遠 所非稱以見義志所非志以見事地所非地以見權难 公子之尊非稱也媵陳人之婦非志也于野非地也稱 則專之可也結之遂乎盟春秋與之何用見春秋與之 野則魯人憂大夫以君命出苟有以安國家利社稷者

金牙四尾台書

卷四

大何大非一也宗廟底庫盡矣此齊火災也何以書形 二十有一年春王正月夏五月辛酉鄭伯突卒秋七月 成成夫人姜氏薨冬十有一月葬鄭屬公 馬爾用人者哀其禍而救其乏秋七月冬齊人伐我 2300 A. F 也肆大肯何以書譏何譏爾肆大告非禮也癸丑葬我 公之嫡子也公之嫡子則世子也其謂之公子何嫡子 小君文姜陳人殺其公子御冠公子非大夫也何以書 二十有二年春王正月肆大青肆者何赦也青者何罪

金少口是人二章 齊納幣納幣不書此何以書幾何幾爾議喪取也昏禮 故史也有所不草子曰其事則齊桓晉文其文則史其義 益足以殺其身已矣夏五月此其以五月首時何春秋 則丘竊取之矣秋七月丙申及齊高僕盟于防冬公如 君此其曰陳人殺之何世子以誓為貴責成而目君其 既誓稱世子未誓稱公子雖未誓書也殺世子母弟自 有納采有問名有納吉有納徵有告期大夫之事也親 曰陳人殺之者病御悉也曷為病之御冠之為人子也 卷.四.

大夫無臣雖有臣猶不外交也夏公如齊觀社何以書 二十有三年春公至自齊祭叔來聘祭者何邑也叔者 納幣亦非禮也交譏之 庸是必使人則其不稱使何不與使也曷為不與使 何字也曷為氏邑而字天子之下大夫也下大夫爵附 劍諫曰不可夫禮所以整民也故會以訓上下之則制 財用之節朝以正班爵之義帥長幼之序征伐以討其 てこりえ 何議爾諸侯越竟觀社非禮也莊公將如齊觀社曹 <u>ار</u> ا 春秋傅

金牙匹匠在三 叔者何附庸之君也其言朝公何公在穀也朝於廟禮 舉必書書而不法後嗣何述莊公弗聽公至自齊荆人 也於外非禮也秋丹桓宫楹何以書譏何譏爾天子之 二十有四年春王三月刻桓宫桷 不然諸侯有王王有巡守以大習之非是君不舉矣君 楹熟諸侯堊大夫第士黈丹楹非禮也冬十有一 來聘公及齊侯遇于穀穀者何內之邑也蕭叔朝公蕭 射姑卒十有二月甲寅公會齊侯盟于扈 卷四 何以書譏何譏爾天 月曹

士断本刻桷非禮也葬曹莊公夏公如齊逆女常事不 其不可娶然且娶之因是馬廢宗廟之禮悖矣戊寅大 以謂之入入者逆辭也國君娶夫人之辭曰請君之玉 夫人至必見乎宗廟稱來婦馬禮也不見乎宗廟則何 書此何以書譏何譏爾譏以讎之子共宗廟也秋公至 子之梢断之襲之加密石馬諸侯断之襲之大夫断之 女共宗廟社稷之事知其不可娶也則勿娶而已矣知 自齊八月丁丑夫人姜氏入何以不致不見乎宗廟也

Strittment herein

春秋傳

曹羈者何曹世子也何以名貶曷為貶羈不子也赤歸 于曹赤者何曹之庶公子也此曹之庶公子曷為不緊 執羔大夫執為士執維婦人豪栗股脩用幣非禮也御 臣故以私言之也覿用幣何以書譏何譏爾孤執帛卿 以私言之夫人不見乎宗廟則不正不正不可以臨諸 則曷為謂之覿公事曰見私事曰覿見夫人禮也曷為 夫宗婦親用幣宗婦者何大夫之妻也親者何見也見 金万里是一 孫曰男女無別自此始矣大水冬我侵曹曹羈出奔陳

曹貶曷為貶曹非亦之所可號歸非亦之所可名歸非 也郭公郭公者何無聞馬爾或曰是郭亡也孰亡之益 赤之所可名則其曰赤歸于曹何易也何易爾易乎我 钦定四車全書 齊滅之齊滅則其曰亡何郭公善善而不能用惡惡而 卒六月辛未朔日有食之鼓用牲于社何以書談何談 二十有五年春陳侯使女叔來聘夏五月癸丑衛侯朔 爾鼓用牲干社非禮也鼓用牲于社何以為非禮日有 不能去非有能亡郭者也郭自亡也

社于門何以書幾何幾爾大水鼓用牲于社干門非禮 也大水鼓用牲于社于門何以為非禮也凡天災有幣 陽之事而君臣之舉也伯姬歸于杞秋大水鼓用牲于 為或稱人以殺或稱國以殺或稱人而不名或稱國而 二十有六年春公伐戎夏公至自伐戎曹殺其大夫曷 食之天子不舉代鼓于社諸侯用幣于社代鼓于朝陰 推非日月之告不鼓幣請之也鼓攻之也牲事之也 用性于社于門非禮也冬公子友如陳

钦定四車全書 人而不名者大夫無罪衆殺之也稱國而不名者大夫 宋主之非制也諸侯不專征方有伯州有收連有率卒 歸于京師亦非也孔子曰大夫疆而君殺之義也由三 無罪君殺之也大夫無罪而君殺之非也雖有罪不以 桓始也此之謂也秋公會宋人齊人伐徐宋其序齊上 不名稱國以殺者罪累上也稱人以殺者殺有罪也稱 有正不專征之義也冬十有二月癸亥朔日有食之 何主兵智也齊已先諸侯矣宋曷為主之齊失其命使 春秋傳

使乎大夫内之失正也大夫不交諸侯大夫交乎諸侯 夫也原代也仲字也曷為字卒從正葬從主人公子友 公會把怕姬于洮非禮也夏六月公會齊侯宋公陳侯 原氏失正也内失正原氏失正季子可以已矣則是從 鄭伯同照于幽秋公子友如陳葬原仲原仲者何陳大 二十有之年春公會把伯姬于洮何以書譏何議爾天 如陳葬原仲何以書譏何譏爾君不行使乎大夫君行 非展義不巡守諸侯非民事不舉卿非君命不越竟

來歸諸侯之女嫁于諸侯父母在歲一歸寧父母沒使 命也參議之冬杞伯姬來其言來何直來曰來大歸曰 書不書則此何以書以公之自主之也諸侯嫁女於大 **慶者何莒大夫也其言逆叔姬何自為逆也大夫非君** 命不越竟越竟逆女非禮也然則嫁女於大夫書乎不 天主大夫以與之公之自主之非禮也杞伯來朝公會 次足四軍全十一 入夫歸寧伯姬之來也已亟非禮也菩慶來逆叔姬菩 春秋傅

作邑也何以書非常也大無麥禾未有言災之者其曰 也何為疾之戰者凶事也非所主也殺一不辜而得天 地國也此齊人代衛也其曰衛人及齊人戰何戰而言 衛人敗績戰不言伐此其言伐何至之日也何以不地 齊人宋人救鄭冬築郿郡者何內之邑也築之者何始 及者主之者也猶曰衛人為志乎為此戰也云爾疾之 二十有八年春王三月甲寅齊人伐衛衛人及齊人戰 下君子不為也夏四月丁未邾子瑣卒秋荆代鄭公會

改足四車全等 計之道盡矣制之道不盡也抵孫辰告雜于齊告雜者 三年之蓄曰國非其國也大無麥未病矣此飢也何以 非災竭也國無九年之蓄曰不足無六年之蓄曰急無 大無麥禾何大無麥禾非災也大無麥禾矣何以謂之 歲之抄量入以為出豐年不奢凶年不儉計而後知之 不言飢大無麥禾非飢也大無麥禾矣何以謂之非飢 飢者在下也大無麥禾在上也古者冢宰制國用必於 何請雅也何以不稱使以為臧孫辰之私行也曷為以 春秋傅

事不避難在位者恤民之患是以國家無違以鬯圭玉 **越孫辰之私行越孫辰日賢者急病而讓夷居官者當** 舊也修舊書乎不書不書則此何以書譏何譏爾譏不 甚馬以為職孫辰之私行可也君子之為國也恃己而 磬如齊告雜瓶孫辰之自為功也徒以名而已矣害莫 務公室也天子十有二問馬六種諸侯六開馬四種大 二十有九年春新延廐延廐者何法廐也新之者何修 不恃人貴義而不貴名有終身之憂而無一朝之恥也

法四開馬二 學而賢叔姬也何賢乎叔姬紀 侯大去其國叔姬從 馬 英卒之何順紀李也何順乎紀季言季以都入于齊後 何國也八 一爾非中國之禽也冬十有二月紀 板碎紀已滅矣 而已矣城諸及防其言及之何先諸而後防也 侯卒叔姬歸于鄰婦人從人者也從不失節以是為 一年春王正月夏師次于成秋七月齊人降郭鄣者 111.5 月癸亥葬紀叔姬滅國不葬此何以葬順紀 一種夏鄭人侵許秋有蜚何以書記異也何 春头愽

题于魯濟齊人代山戎此齊侯也其稱人何貶曷為貶 天子有靈臺以候天地諸侯有時臺以候四時去國而 築臺是樂而已矣夏四月薛伯卒築臺于薛六月齊侯 自代山戎始馬 齊侯曰我北代山戎至于孙竹嶽濱諸侯莫敢不來雖 《也九月庚午朔日有食之鼓用牲于社冬公及齊侯 一十有一年春築臺于即何以書幾何幾爾幾厲民也 代受命何以異益封乎太山禪乎深父齊之僣天子

多好匹尼 全書

之獻其功於王王以警不聽禮也諸侯相遺俘非禮也 之常也歷時而言不雨慢也無志乎民也歷月而不言 來獻戎捷捷者何軍獲也四裔之國不用王命方伯征 秋築臺于秦冬不雨何以書記異也曷為或歷時而言 我接之也則其先宋何宋主齊也宋何以主齊齊遠而 雨関也有志乎民也 三十有二年春城小穀夏宋公齊侯遇于梁丘何以書 不雨或歷月而言不雨一時不雨則書之一時不雨書 CALIDED ME 春秋佛

宋近也席則有上下室則有與阼諸侯之事重主輕大 孰殺之公子友殺之公子友何為殺公子牙公子慶父 金厂区屋在電 主小近主遠貴主殿秋七月癸已公子牙卒傅曰殺也 公子牙者同母兄弟也通乎夫人以脅公公疾召公子 卷四

對日魯一生一及君已知之矣慶父也材君何憂馬牙

牙而問後馬曰寡人即不起此病吾將馬致乎魯國牙

出公子季友入公亦問馬對曰臣以死奉般公曰鄉者

牙曰慶父材李友曰夫何敢是將為亂乎夫何敢李友

至而死然則曷為不言刺之隱也君親無將將而謀馬 以君命命牙待于鍼巫氏使鍼李耽之曰公子飲此則 季友之除惡也於未形君子以為賢于誅孔子曰大夫 可以無為天下裁笑必有後乎魯國不飲此則必為天 薨于路寢冬十月己未子般卒子卒云子卒此其稱子 强而君殺之義也自三桓始也此之謂也八月癸亥公 ALL DIST JAME 般卒何君存稱世子君薨稱子某旣葬稱子踰年稱公 下戮笑必無後乎魯國于是從其言而飲之飲之歸未 春秋傳

有力馬能投益于稷門子般弗果殺莊公死子般即位 繼繼子般也孰弑子般慶父也莊公存之時圉人榮淫 慶父將弑君以取其國使謂聲曰般之辱爾國人莫不 宫中子般執而鞭之莊公曰不可鞭也不如殺之是 無子則不廟不廟則不書葬公子慶父如齊狄伐邢 般卒何以不書葬未瑜年之君也有子則廟廟則書 年春王正月公何以不言即位繼弑君不言即位孰 関公

齊不知慶父之意自釋于國人與憂大國之討與然而 意利其幼與國人不從與問公旣立慶父以君事聘于 知盍弒之矣遂弑子般于次季友奔陳閔公者莊公之 次定 日車全書 本春秋傳 之也季友奔陳其為予之奈何莊公死子般弑慶父夫 志也出奔者曷為或書或不書書者治之也不書者予 所以立閔公則慶父之力也所以繼子般則非閔公之 子也生八年矣慶父立馬討犖而歸獄馬不知慶父之 人亂乎內魯國之不絕若線季子生則可以易死故不

1

之也齊人救邢夏六月辛酉葬我君莊公秋八月公及 曷為賢之貴之其出也中權其入也中義益召之于陳 齊侯盟于落姑李子來歸其稱李子何賢之也貴之也 可以亡其生也賢於死其亡也賢於存是以雖出奔子 與季子至而國人授之以政百姓歸馬殺公子牙今將 聞於諸侯則未知其以是為說與不得已與抑將圖之 也慶父專魯則曷為召季子李子之賢內得於國人外 可以死而可以生李子存則可以易亡故不可以存而 次定四事全書-冬齊仲孫來仲孫者何齊大夫也此無事其曰來何齊 以齊正魯猶反手也桓公使仲孫來省難仲孫反曰不 侯使之也齊侯使之則何以不言使幾何譏爾莊公死 爾季子不免慶父斌君何以不誅非不誅也勢未能也 自斃君姑待之而已矣公曰然則吾取魯可乎對曰不 去慶父則魯難赤止桓公曰去之奈何對曰難不已將 子般斌問公初慶父夫人亂乎內魯國之不絕若線設 可摘東周禮周禮所以本也臣聞之國將亡未必先顛 春秋傳


者何大祭也何大馬祭其祖之所自出以其祖配之然 則曷為謂之稀稀猶帝也有虞氏稀黃帝而祖顓頊夏 馬仲孫知魯之可親而不知存慶父之非也誠茍親之 公知魯之可憂而不知使仲孫之非也誠的憂之何問 而親之親有禮因重固問攜貳覆唇亂霸王之器也桓 而後枝葉從之魯不弃周禮未可動也君其務寧魯難 何待馬交譏之 年春王正月齊人遷陽夏五月乙酉吉稀于莊公稀

欠三日東ニラ 成王幼問公相成王攝天下七年制禮作樂頒度量而 其衰矣此神也其言吉何言吉者未可以吉也曷為未 祭祭文王而配以周公孔子曰魯之郊禘非禮也周公 后氏禘黄帝而祖禹商人禘馨而祖契周人禘馨而祖 天下大服先王嘉之以周公為有勲勞故賜之大祭祀 文王是故不王不禘不王不禘魯何以禘昔者武王崩 天子禮樂外祭則郊是也內祭則稀是也然則魯稀孰 可以吉未三年也三年矣曷為謂之未三年三年之喪

春秋傅

威未討也賊未討而葬慢也非臣子之事也九月夫人 之莊公死子般弑閔公弑慶父夫人亂乎內魯贖年無 禘非禮也吉禘亦非禮也於莊公亦非禮也八月辛丑 實以二十五月其言于莊公何言非宫廟也非宫廟者 姜氏孫于都公子慶父出奔莒冬齊高子來盟高子者 何齊大夫也其稱高子何賢之也貴之也曷為賢之貴 公薨公薨何以不地私也孰弒之慶父也何以不書葬 何君薨卒哭而祔祔而作主特祀於寢三年而升于廟 卷四

後盟大夫在竟外有以尊社稷利國家則專之高子可 以謀魯國高子因是平魯之難魯人頼馬僖公定位而 君則國未知孰有之也齊侯使高子將南陽之甲而至 謂知禮矣魯人以為美談曰猶望高子也然則何以不 えたりえという 其師之道也 師者何惡其上也鄭伯惡萬克而欲遠之使將兵禦狄 稱使權在高子也十有二月狄入衛鄭弃其師鄭弃其 境翱翔河上久而不召衆散而歸萬克奔陳則是弃



救邢言以為名而已矣非救人之道也夏六月邢遷于

春秋傅

大三日屋 から

聶北救 邢曷為先言次而後言救幾何幾爾次于聶北

夫人薨于夷則齊人以歸夫人薨于夷則齊人曷為以 夷齊人以歸夷者何齊地也齊地則其言齊人以歸何 歸桓公召而縊殺之也楚人伐鄭八月公會齊侯宋公 夷儀齊師宋師曹師城邢秋七月戊辰夫人姜氏薨于 这水之上使公子奚斯入請李子曰公子不可以入 鄭伯曹伯都人于極九月公敗都師于優冬十月壬午 公走而之莒莒人逐之將由乎齊齊人不納却反舍于 公子友帥師敗莒師于酈獲莒挐傅曰公子慶父祇閔

金グログラー

聞之曰嘻此奚斯之聲也諾已曰吾不得入矣於是抗 |轉經而死首人聞之曰吾已得子之賊矣以求賂乎魯 則殺矣奚斯不忍反命于慶父自南沒北面而哭慶父 為販夫人與於亂弒二君死不以其正不可以入宗廟 月丁已夫人氏之喪至自齊夫人何以不稱姜氏貶曷 魯弗與為是與師而伐魯季子敗之獲苔等苔等者苔 大夫也公賜季子汶陽之田及費費由是始大十有二 則曷為不於死馬段夫人姜氏薨于夷齊人以歸

欽定四事全書

春秋傅

義不得專封則其曰實與之何上無天子下無方伯天 而文不與文曷為不與諸侯之義不得專封也諸侯之 子以為非義是以貶乎其以喪至也 滅之狄滅之衛懿公為無道好鶴鶴有乗軒者國人皆 上之行乎下也義已矣僖公請而葬之則是子命也君 之封衛也曷為不曰城衛不與封衛也曷為不與實與 下諸侯有相滅亡者力能救之則救之可也然則衛孰 一年春王正月城楚丘城楚丘者何衛之邑也曷為城

城之也桓公使之也桓公使之則曷為不言使之諸侯 益自是封于楚丘然則孰城之我也我專城之與非專 之憂危禍災者則四鄰救馬道也夏五月辛已葬我小 曹歸之車馬器服馬俄而戴公卒文公立衛人不能國 曹齊桓公使公子無虧帥車三百乗甲士三千人以戌 有三十人益之以共滕之民為五千人立戴公以廬于 怨狄師伐之懿公不能禦戰而死衛之遺民男女七百 君哀姜虞師晉師減夏陽夏陽者何號之邑也此號之

次定四車全書 本格

應前息進日虞號見與獻公揖而進之遂與之入而 號之恃夏陽見非獨號之恃夏陽也虞亦恃馬減夏陽 以為號者恃夏陽也且君存馬減國多矣何為獨言乎 邑其言滅何國舉也國舉矣則曷為書夏陽言號之所 曰吾欲攻號則虞救之攻虞則號救之如之何願與子 對者曰寢不安與其諸侍御有不在側者與獻公不 國喪矣此減號也其言二國喪何晉獻公朝諸大夫 問馬曰寡人夜者寢而不寐其意也何諸大夫有進

之乗與垂棘之白壁往請假道於虞必可得也則實出 為人也達心而懦又少長於君達心則其言略懦則不 獻公曰諾雖然宫之奇存馬如之何前息曰宫之奇之 之內藏藏之外府馬出之內底擊之外底爾君何喪馬 虞爾君何憂虞馬獻公曰然則奈何首息曰請以屈産 慮之首息對曰君若用臣之謀則今日取號而明日取 欠三ヨ・メニョ 不從其言請終以往於是終以往 謂虞公曰冀為不道入 能强諫少長於君則君押之且虞公貪而好寶見寶必 春秋傅

会り上上つ 保於逆旅以侵敝邑之南鄙敢請假道以請罪于號虞 自顛較伐郭三門冀之旣病則亦唯君故今號為不道 獻公曰子之謀則已行矣實則吾實也雖然吾馬之齒 許也虞公不從其言終假之道起師會之以取號還四 非相為賜則晉今日取號而明日虞從而亡爾君請勿 公將許之宫之奇果諫語曰唇亡則齒寒虞號之相救 亦已長矣益戲之也秋九月齊侯宋公江人黃人盟于 年反取虞虞公抱寳牽馬而至前息見曰臣之謀何如

樂之也憂以天下樂以天下秋齊侯宋公江人黃人會 言不雨関也有志乎民也六月雨云者樂之也憂之故 貫冬十月不雨何以書記異也楚人侵鄭 于陽穀冬公子友如齊益盟益盟者何往盟乎彼也來 庸之國也六月雨不雨言不雨此其曰六月雨何一 三年春王正月不雨夏四月不雨徐人取舒舒者何附 盟者何來盟乎我也前定之盟也楚人伐鄭 不雨則書之歴時而言不雨慢也無志乎民也歷月而

スプロラムゴ

春秋傅

終王不祭則修意不祀則修言不享則修文不貢則修 伯侵蔡蔡潰潰者何散也民逃其上也侵淺事也侵蔡 名不王則修徳序成而有不至則修刑故刑不祭代不 **曷為次于脛止師以修文告之命古者邦內甸服邦** 而祭潰桓公可謂知所侵矣遂伐楚次于脛此伐楚也 四年春王正月公會齊侯宋公陳侯衛侯鄭伯許男曹 祀賓服者享要服者貢荒服者王日祭月祀時享歲貢 侯服侯衛寬服蠻夷要服戎狄荒服甸服者祭侯服者

金ケレととこ

文正可至 ACET |楚屈完來盟于師盟于召陵屈完者何楚大夫也 |桿卒于師曰師卒于會曰會正也許男新臣卒 問許男復馬古者君即位而為桿歲一漆之出疆 服罪也其服罪奈何諸侯之師次于座楚子使與 大夫未有以名聞者也其曰屈完何進之也曷為 此卒于師其不曰卒于師何非卒于師曰師在楚 | 脛義矣夏許男新臣卒諸侯卒于師曰師卒于會 不享讓不貢告不王伐國者益實之也非残之 春秋傅

君太公曰五侯九伯女實征之以夾輔問室賜我先君 師言曰君處北海寡人處南海难是風馬牛不相及也 昭王之不復君其問諸水濱于是請盟然則何以不稱 **履東至于海西至于河南至于穆陵北至于無棣爾貢** 不復寡人是問對曰貢之不入寡君之罪也敢不共給 包茅不入王祭不供無以縮酒寡人是徴昭王南征而 使權在屈完也大夫以君命出茍可以尊社稷利國家 不虞君之涉吾地也何故管仲對曰昔召康公命我先

今万に上る

陵何來盟于師屈完之志也盟于召陵桓公之事也還 海而東服東夷且歸桓公曰諾於是還師濱海而東大 之道奈何涛塗謂桓公曰君旣服南夷矣何不選師濱 之齊人執陳衣濤塗濤塗之罪何辟軍之道也其辟 君若以力楚國方城以為城漢水以為池雖衆無所 師召陵以成屈完桓公曰以此衆戰誰能禦之以此攻 則專之屈完可謂知畏義矣來盟于師則其曰盟子召 てこり きょう 何城不克屈完曰君若以德綏諸侯諸侯誰敢不服

陷于沛澤之中顧而執為塗稱人而執者非伯討也此 由己者師不正故也不修其師而執濤塗古人之討則 金罗正屋名言 齊人宋人衛人鄭人許人曹人侵陳 月公至自代楚葬許穆公冬十有二月公孫茲帥師會 不然也秋及江人黄人代陳不言及之者何內師也 執有罪何以不得為伯討古者周公東征則西國怨西 征則東國怨桓公假道于陳而伐楚則陳人不欲其反 五年春晉侯殺其世子申生曷為直稱晉侯以殺殺 卷五

我子生夷吾晉伐聽戎聽戎男女以聽姬歸生奚齊其 齊姜生太子申生又娶二女于戎大戎狐姬生重耳小 子母弟直稱君者甚之也甚之奈何晉獻公之夫人曰 生心民慢其政國之患也若使太子主曲沃而重耳夷 以無主宗邑無主則民不威疆場無主則啓我心我之 使言于公曰曲沃君之宗也蒲與二屈君之疆也不可 姊生卓子驪姬嬖欲立其子貼外嬖梁五與東關嬖五 欠日 りょうこう 吾主蒲與屈則可以威民而懼我且难君伐使俱曰狄

春秋傳

官六日公至毒而獻之公祭諸地地墳與犬大斃與小 終晉始作二軍公將上軍太子將下軍士為日太子不 曲沃重耳居浦夷吾居屈奉公子俱鄙唯二姬之子在 之廣莫於晉為都晉之啓土不亦宜乎公說使太子居 姜必速祭之太子祭於曲沃歸胙于公公田驪姬宜諸 也太子弗從驪姬旣讒太子而疏之謂太子曰君夢齊 得立矣分之都城而位以卿先為之極又馬得立不如 逃之無使罪至為吳太伯不亦可乎猶有令名與其及

非姬氏居不安食不飽我辭姬必有罪君老矣吾又不 杜原款而急太子或謂太子子辭君必辯馬太子曰君 臣小臣亦斃姬泣曰賊由太子太子奔新城公殺其傅 樂然則其行乎太子曰君實不察其罪被此名也以出 非禮也怕姬為志乎朝其子則是杞伯失夫之道也諸 杞伯姬來朝其子何以書譏何譏爾杞伯姬來朝其子 誰納我乃縊而死申生可謂輕其死矣語孝則未也 相見曰朝以待人父之道待人之子内失正矣參議

大三日三人二

春秋傳

. . . . . .

曹伯會王世子于首止曷為殊會王世子世子贵也世 金少也是人 善之王將以爱易世子桓公為是率諸侯會而盟之王 故不敢盟也此一地也曷為再言首止善是盟也曷為 子猶世世子也秋八月諸侯盟于首止無中事復舉諸 之夏公孫茲如年公及齊侯宋公陳侯衛侯鄭伯許 室以安則是正乎不正不正則其嘉之何也王將以爱 也盟者不相信故謹信也不敢以所不信而加於尊者 何也尊王世子而不敢與盟也尊則其不敢與盟何

以睦天王以尊後嗣以定一會而父子君臣之道皆得 滅弦弦子奔黄九月戊申朔日有食之冬晉人執虞公 沙 馬故孔子曰正而不論此之謂也鄭怕逃歸不盟其言 國扶小國會世子于首止以尊天王為之也然而諸侯 易世子諸侯莫知以爭則不可以諫則不得桓公控大 此入而執也何以不言以歸地之緼於晉久矣國非其 此滅也何以不言減虞之滅于晉久矣非一日之積也 歸何去其衆也國君去其衆猶曰匹夫之行也楚人

尺色可以上的

春秋傅

苟不競何憚於病旣不能疆又不能弱所以斃也國危 鄭伯逃歸齊桓公率諸侯以伐鄭孔叔言於鄭伯曰 國以殺大夫者罪累上也申侯之累上奈何首止之會 七年春齊人代鄭夏小都子來朝鄭殺其大夫申侯稱 圍 六年春王正月夏公會齊侯宋公陳侯衛侯曹伯伐鄭 國也自滅夏陽始馬 矣請下齊以救國鄭伯曰吾知所由來矣姑少待我 新城秋楚人園許諸侯遂救許冬公至自伐鄭

金少正是人

曹昭公 先王命也鄭伯乞盟乞盟者何處其所而請與也其處 世子歎盟于洮王人者何微者也曷為序乎諸侯之上 為功足以殺其身而已矣秋七月公會齊侯宋公陳世 侯之罪奈何申侯之為人臣也專利而不厭興事以自 曰朝不及夕何以待君于是殺申侯以說于齊然則申 八年春王正月公會王人齊侯宋公衛侯許男曹伯陳 子教鄭世子華盟于軍母曹伯班卒公子友如齊冬葬

てかり あんば

**导头傅** 

機爾機以妄為嫡也機以妄為嫡則何以不稱風氏言 夫人于是成之為夫人也成之為夫人則何以書譏 者僖公之母莊公之妾也然則何言乎稀于太廟用 也致者何致者不宜致也夫人者誰謂謂成風也成風 伐晉秋七月稀于太廟用致夫人用者何用者不宜用 自是魯以妾為嫡也冬十有二月丁未天王崩傳曰惠 馬如勿酌而已矣信之有不義馬如勿信而已矣夏狄 其所而請與奈何盡酌之也盟者齊信也酌之有不齊 卷五

金万世屋台里

王也

然則其稱子何君薨嗣子諒陰百官總己聽於冢宰三 宋子衛侯鄭伯許男曹伯子葵丘宰周公者何天子三 九年春王三月丁丑宋公御說卒夏公會宰周公齊侯 年正也不能三年者其以凶禮行則言子其以嘉禮行 公也天子之率通乎天下宋其稱子何未逾年之君也

文 三 四 車 全書

則言爵以嘉禮行者非也以凶禮行者亦非也君子不

奪人之親人亦不可奪親也秋七月乙酉伯姬卒此未

春秋博

之喪治之九月戊辰諸侯盟于葵丘此一地也曷為再 適人何以卒許嫁矣婦人許嫁字而笄之死則以成人 士無世官官事無攝取士必得無專殺大夫無曲防無 言葵丘善是盟也曷為善之桓公曰誅不孝無易樹子 過雜無有封而不以告凡我同盟之人既盟之後言歸 無以妾為妻尊賢育才以彰有徳敬老慈知無忘寅旅 而不敢血也甲子晉侯說諸卒冬晉里克殺其君之子 于好以是為盡禁矣諸侯成諭乎桓之志益東牲載書

炎足四車在一方 者乎曰有孔父仇牧皆累也舍孔父仇牧無累者乎曰 十年春王正月公如齊狄滅温温子奔衛晉里克弑其 年不忍當也 君諸侯曷為必踰年然後稱君必三年然後成君一年 瑜年君之號也諸侯必踰年然後稱君必三年然後成 奚齊此未踰年之君也其曰殺其君之子奚齊何弑未 君卓及其大夫尚息及者何累也哉君多矣舍此無累 不二君緣民臣之意不可曠年無君緣孝子之心則三 春秋傳

里克知其不可與謀退弑奚齊尚息立卓子里克弑卓 矣臣對曰使死者反生生者不愧乎其言則可謂信矣 使前息傅之公疾病召前息而問之曰士何如則可謂 謂信矣獻公死奚齊立里克謂首息曰君殺正而立不 之信矣首息對曰使死者反生生者不愧乎其言則可 言矣其不食其言奈何晉獻公殺太子申生而立奚齊 有有則此何以書賢也何賢乎茍息茍息可謂不食其 正廢長而立幻如之何願與子應之首息曰君嘗訊臣

| 耳夷吾以立奚齊晉國遂大亂諸侯皆怨是雖為君國 次定日事全書 春秋傳 克之君也里克之君奈何驪好粉的生而難里克謂 言矣夏齊侯許男伐北戎晉殺其大夫里克里克弑二 人不君也國人不君則其曰里克殺其君卓子何是里 之名也曷為不君奚齊卓子驪姫殺太子申生而逐重 君曷為不以討賊之辭言之不君奚齊卓子不成其武

之孤寄百里之命臨大節而不可奪前息可謂不食其

子前息死之前息之智則未尚息之義則盡矣託六尺

戲子柳有所聞之子曰然君既許夫人立奚齊矣里克 傷優施出里克辟真不餐而寢夜半告優施曰曩而言 特羊之響吾以從之飲酒驪姬許諾使優施飲里克酒 日東君以殺太子吾不忍通復故交吾不敢中立其免 人其子為君竟也其母旣死其子又有謗枯也枯且有 已獨集於枯里克笑曰何謂苑何謂枯對曰其母為夫 優施起舞且歌曰服豫之吾吾不如鳥鳥人皆集於乾 優施曰如之何優施曰吾來里克一日而已子為我具

里克曰往言不可及矣且人中心唯無忌何可敗也稱 之故以變其志志少疏乃可間也今日中立固其謀也 疾不朝三旬難乃成放乎殺申生而立奚齊者是乃里 一鄭曰惜也不如曰不信以疏之亦固太子以攜之多為 君許夫人立奚齊矣不鄭曰子謂何曰吾對以中立不 乎優施曰免旦而里克見不鄭曰難將作矣優施告我 克也殆而悔之則無及矣然後殺異齊卓子而反國乎 重耳故曰殺其君也重耳者申生之弟也賢而有謀國

できることなる

春秋傅

七月冬大雨雪何以書記異也 月冬十有二月丁丑陳侯杵臼卒 十有二年春王三月庚午日有食之夏楚人滅黃秋七 人願立馬將迎之狄惠聞之自秦先入於是殺里克也 以殺大夫者罪累上也不鄭父里克之與也夏公及夫 十有一年春晉殺其大夫平鄭父其稱國以殺何稱國 曰爾旣殺夫二孺子矣為子君者不亦難乎而殺之秋 人姜氏會齊侯于陽穀秋八月大雩冬楚人伐黃 卷五

		أدستنجسي	-	
The Day of the		如齊	陳侯衛侯鄭伯許男曹伯于職秋九月大零冬公子友	十有三年春狄侵衛夏四月葬陳宣公公會齊侯宋公
<b>5</b>			許	侵
春秋傳			男曹伯于顾	衛夏四月若
:	-		秋	陳
			九	宣
			月大	公小
			零	會
其			冬八	齊
			公子	宋
	 . L		友	公

	İ		-	Ī		- ·-	1
春							
秋				ľ			
春秋傅卷五							
五							
							老五
		ł					
							-
						.	
	.l.			.	ļ	!	. ]